

IOANNIS SCHILDI
A D L O C U T I O

Ad

CHRISTIANUM FRIDERICUM
CROCIVM LUD. FIL.

Lugentem unici Fratris

IOANNIS CROCII

EXCESSUM.



LUGDUNI BATAVORUM,
Ex Officina IOANNIS MAIRE.

CIO IOC XLV.

JOHANNES MAYER

ADLOCUTIO

161

CHRISTIANUM FRIDERICUM

FRIDERICUM

FRIDERICUM

JOHANNIS MAYER

FRIDERICUM



FRIDERICUM

FRIDERICUM

FRIDERICUM

CHRISTIANO FRIDERICO

C R O C I O

IOANNES SCHILDIVS

S. D.



OMNIUM rerum, præstantissime Croci, nullam dubiam magis & ancipitem invenimus, quàm illam, quæ tantopere nobis imponit, temporis simul ac vitæ possessionem. Non breves nobis annos, sed seculum, sed æternitatem ferè pollicemur: &, cùm singulis momentis obnoxii sumus, votis tamen ac cupiditatibus in immensum ferimur. Conantes aliquid, & ad magna niti meditantes vel rerum vicissitudo, vel mortis necessitas interpellat: imò, quod veterum aliquis de fortuna pronunciavit, id de tota vita usurpare lubet, servari quandam in ipsa fragilitate nostra constantiam. Scio, tritum pluribus ac fastidiosum videri, de inconstantia rerum humanarum chartis aliquid illinere, atque ut ex ipsorum sententia loquar, de vitæ fugacitate tragicè nimis ampullari. Verum enimvero quò propiùs à Libitina petimur, quò recentior nobis acerborum funerum memoria inhæret, eò rectiùs agnoscimus & æstimamus eorum dictorum veritatem, quæ nostram nobis incertitudinem ob oculos ponunt ac repræsentant. Triste obtulit exemplum ille febris expiandus Februarius, quo fati vis abstulit tibi fratrem, amicum mihi, juvenem haud minùs ob excellentes animi dores utrique desideratissimum, quàm quòd frater, aut amicus fuit. Enimvero,

vero, quanquam inevitabilis ex charissimorum sine tristitia sensim subsidat, tamen opprimimur interdum, ac vix resistimus dolori, si vel morte ipsa mortis tempus indignius, vel egregia vivendi pretia: quæ defuncto suppetebant, ad animum mentemque revocemus. Tuus ille laudatissimus frater, si crudum adhuc vulnus pateris tractari, ea ætate, eoque tempore supremum diem explevit, quo raro seu fato, seu naturæ quicquam in nos licere, inconsulti mortales arbitrantur. Juvenis erat: hanc floridam & robustam ævi nostri partem, quam juventæ nomine insignimus, valere putant ad averruncandam propinquæ mortis necessitatem. Cùm pares nos ad omnia patienda finxerit Deus, cùm nemo sit altero fragilior, nemo in crastinum sui certior, objurgant tamen improvidi mortem, si nonnullorum aliquando principia interrumpit, alios in medio flore præcidit. Levare tamen utcumq; tristitia posset, quam præceptæ juventutis miseratione conciliat: insanabilis oritur dolor, ubi cum vita charissimorum luculenta spes, & amplissima virtutum seges intercipitur. Nempe, cùm irato cœlo sæviunt tempestates, magis hercle fructiferis arboribus aut satis, quàm sterilibus & incultis metuimus vepretis. Tantò major est uniuscujusq; rei jactura, quantò majus ac præclarior est bonum illud, quod propediem ex ea poterat expectari. Itaque vehementer sit inhumanus, qui fratrem tuum requirere vetet, adolescentem tot tantarumque virtutum, quibus futura claritudo ejus, & exempli gloriæque majorum adæquatio, sperari præsumique posset. Nihil humile ac vulgare spondebat, qui, quamprimum per ætatem sapere potuit, admirabiles cursus ad omnem virtutis & eruditionis excellentiam fecit. Videre mihi videor ipso vultu prodentem sese modestiam: recordor illud candidum & in amicitia sincerissimum pectus: in-

tutor

tueor erectam animi alacritatem, ac veluti spirantem in filio parentem. Imò, quando tenerius & ardentius invicem dileximus, tantò nunc frequentius vanis quidem imaginibus, sed tamen recentibus ac funestis, illum defixum in animo meo Crocium alloquor & complector. Elegans liberalium studiorum, omnisque doctrinæ, & cultor & admirator erat. Ac, quanquam altiori disciplinæ animum adjecisset, tamen neutiquam, qui pridem seculi morbus esse coepit, ab amœnitate & elegantia litterarum abhorrebat. Ipse carmen non unum, quod amoris & amicitiae nostræ consecrârat, ad instar insignis depositi servo, servaboque dum vivam. Non ego nunc ambitiosè laudibus ejus immorabor: quippe, licet superstitum comes sit invidia, nec defunctorum laudibus intercedat livor, fraternis tamen auribus parco, & æstimum ejus unicuique meditandum relinquo. Enimvero, ut multa sibi fingunt dolentes, hoc tibi pariter ac parenti tuo, summo viro, levamento fore crediderim, quòd non in oculis utriusque, sed aliqua locorum intercapedine divisus, exspiravit. Vix unquam larvam & apparatus calamitatis ab ipsa calamitate segregamus: hinc fit, ut atrocius ferire videantur, quæ non animis modò nostris, sed ipsis sensibus accipiuntur. Sæpius id à magnis viris usurpatum constat, ut subtraherent oculis acerba funera, ac ne laudationibus quidem aut pompâ detinerent. Itaque hoc in malis quoque vobis indulgit Deus, quòd, quatenus virtutibus ejus maturefcere negatum fuit, apud Catos potius, quàm in patria, avulsæ sunt & interceptæ. Quanquam, quis avulsas dixerit & interceptas, quæ, posteaquam corporeis vinculis sunt exsolutæ, speratam demum sui perfectionem indispiscuntur? Nempe, si verum amamus, invidentiæ, non misericordiæ locum fecit, qui, cum corporis de-

stitueretur viribus, animi se vigore sustentavit, & in ardentissimis ad Deum precibus perstitit: tandemque, cum omnem curam fata vincerent, in sua resolutus initia, animam cœlestem cœlo reddidit. Ingens hoc beneficium divinæ indulgentiæ debemus, quod, ubi ad finem mortalitatis accessimus, haud instar Pæti alicujus aut Senecæ, Iovi libandum credimus liberatori, sed animas nostras Christo servatori beatorum sedibus adscribendas commendamus. Mors, quam pertimescimus ac recusamus, ne intermittit quidem vitam, tantum abest ut eripiat: transitum nobis ad vitam meliorem ac verè vitalem pollicetur. Inter miracula, & meritò quidem, gentiles illos numeramus, qui, cum nihil admodum spei secum ferrent, ea tamen animi magnitudine fatum exceperunt, ut non emisisse animam, sed expulisse viderentur. Et quodnam timori nostro velamentum prætexemus, qui non mori nos, sed à caducis ad æterna, à mortalibus ad immortalia transferri, cognitissimum habemus? Esto: sui pertinax amor; & permanendi conservandique semet insita voluntas formidabilem nobis reddat dissolutionem: at, quid præcipuum & insigne patimur, si comitatum illum generis humani, eodem tendentis, eodem cogendi, contemplemur? Omnes eadem conditio devinxit: & eo ipso, quod nasci nobis contigit, auctoramentum quasi mortis accepimus. Intervallis distinguimur; inquit. Sapiens ille Romanus, exitu æquamur. Imò, si brevitatem ævi cum universo comparemus, & juvenes & senes in æquilibrio sumus: hoc quod vivitur, proximum nihilo est, ut ut dementiâ nostrâ latissimè disponatur. Itaque, si nihil affectibus deberemus, non tam illacrymandum fratris tui discidio foret, quàm gratulandum felicitati: quippe, qui ex hoc turbine & inconstantia rerum, prior aliis ad
- 300 -
tutum

tutum stabilemque portum enavigavit. Quod ut altius infigeremus animis, atque ut supremi erga defunctum officii mei monumentum aliquod exstaret, paucos in Memoriae templo versiculos suspendi. Vale. Lugd. Batav. add. xxv. Martii.

*C*um celeres obitus & rapti funera Croci
Vulgaret atrox eade Parcarum cohors,
Obstupere dea, qua quondam Aganippidos undas
Mutasse pulchra predicantur Cassula.
Abdidit insignem velata Modestia vultum,
Decensque morum flevit ereptum Venus.
Mirandumque fuit superis, cur tanta procumbant
Ingenia diris victima sororibus.
Audit & Pietas, sed planctu immota dolentum,
Solata mæstas ore dicitur gravi:
Desinite, ô Divæ, rigidis convicia Parcis
Ingerere, functum quid cietis planctibus?
Quisquis humi superest, alit intra viscera mortem:
Vivit sepultus ille noster Crocius.

MANI-

MANIBUS MERITISQUE
IOANNIS CROCII BREMENSIS

LUDOV. FIL. PAULI NEPOT.

CASELLIS CATTORVM ANNO MDCXLV.

D. FEBR. PIA BEATAQVE
SIBI, SED PRÆOPERA AC
LVCTVOSA SVIS MORTE
DEFVNCTI,

QVIA OB LOCI DISTANTIAM
ALITER AMICITIAM AC
DESIDERIVM TESTARI
NON POTERAT,

CHARTACEVM HOC CENOTAPHIVM
LVGDVNI BATAVORVM
L. M. Q. P.

IOANNES SCHILDIVS.

F I N I S.

